



Шорно эл, порымлык да гын берр!

40-ше (3272) №,
2016 ий 1 октябрь,
шуматкече.

ЯМДЕ ЛИЙ

1933 ий 1 февраль годсек лектеш.

0+

5 октябрь –
Туныктышо-влакын тунямбал кечышт

Ончыко, у сенымашке, самырык туныктышо!



Эше шукерте огыл йолташ удыржӧ, палымыже-влак тудым Елена, Лена маньынт гын, кызыт шукуштан – Елена Сергеевна. Марий кугыжаныш университетым тунем пытарыме деч вара Е.С.Соловьева (снимкыште шола гыч - кудымшо) тений У Торъял районысо Кузнеч школыш толын. 5-9-ше класслаште марий йылмым да литературым туныкта. 8-ше классын вуйлатышыже. Куштымаш ден юнкор кружоклам вӱдаш тӱгалеш. Самырык туныктышо университетыште финн йылмым тунемын, Суоми мландыште лийын. Йоча-влакынат финн калык нерген шукурак пален налаш кумылышт лектын.

– Школ пеш чатка, волгыдо. 1 сентябрьыште изиш тургыжланшыым, вет туныктышо лияш тыгай кугу ответственность. Но чылажат сайын эртыш: линейке деч вара «Ончыкылык профессий» теме дене икымше урокым эртарышым, – оила Елена Сергеевна.

У Торъял кыдалаш школын выпускницыже (2011 ий), дипломан специалист кугурак ийготан да опытан туныктышо-влакын тыматле кумылыштым кажне кечын шижеш. Тудлан тиде школышто икымше кече гычак чылажат келша. Тугеже ончыко, у сенымашке, Елена Сергеевна!

Л.СЕМЕНОВА.

Подписке-2017

УРА-А-А-А!
2017 ийын I ПЕЛЫЖ-
ЛАН «ЯМДЕ ЛИЙ»
ГАЗЕТЛАН ВОЗАЛТ-
МЕ АК
ШУЛДЕШТЫН!
261 тенгеат 54 ыр!

Квитанцийдан
копийжым
редакцияш
колтыза да
ЛОТЕРЕЙ
модыш
ушныза!

Тӱн приз
– планшет!



13-23 ОКТЯБРЬЫШТЕ ПОДПИСКЕ ДЕКАДЕ ЭРТА. «ЯМДЕ ЛИЙ»
ГАЗЕТЛАН ШУЛДЫРАК АК ДЕНЕ ВОЗАЛТАШ ЛИЕШ!



Икымше гана — вик сенымаш!

«Кросс нации-2016» тагасымаште тений тўн шотышто общеобразовательный школлаште тунемше, вуз ден сузласе студент-шамыч ушенит. Районла гычат кумылан-влак толыныт. У Торъял районусо Тошто Торъял школышто 3-шо классыште тунемше Кирилл Ключев тыгай кўкшытан тўшка тагасымаште икымше гана вийжым терген. Шке ийготан-шамыч коклаште тудо II верым налын.

— Мыйым тренер-преподаватель Иван Петрович Хлыбов конден, — ойла рвезе. — Такшым кажне кечын куржталам. Тыге жап пайдалын эрта да тазалык пенгыдемеш.



Е.ЭШКИНИНА.

Уверлан уло вер

19-23 сентябрьште Чебоксарыште эртыше Самырык-влакын национальный театрыштын да ТЮЗ-влакын «Сказочная палитра» фестивалышт лийын. Марий Элысе йоча да самырык-влаклан театр-рўдерын художественный руководительже О.Г.Иркабаев «Эн сай драматургий» диплом дене палемдалтын. Актёр Сергей Мамаев — «Кокымшо планан эн сай роль» диплом дене.




* * *

Волжск олесе 6-шо номеран школ пеленысе «Самырык лесник» лесничестве (вуйлатыше — туныктышо Л.Тимофеева) «Эн сай школ лесничестве» Всероссийский конкурсышто «Просветительский паша» номинаций дене 2-шо верым налын.

Таумутна

Йоратыме мультфильм «Винкс».



Национальный президент школ-интернатын директоржо **Лидия Геннадьевна ИКСАНОВА**



ятыр ий почела тунемше-влаклан 10 экземпляр «Ямде лий» газетлан подписным ышта.

Поро фея-влак осал феяшамыч деч аралалташ тунныктат. Кеч-могай нелылыкыш логалмек, порылыкчыла сеня. Мыят поро фея-влак гай лийнем.

Инна СТЕПАНОВА.

Морко, Коркатово.

Самырык-влакын полатыштышт (Йошкар-Ола, Зелёная урем, 1) «Жизнь» мультимедийный выставке почылтын. 40 метран экраныште 1941-1945 ийлесе Кугу Отечественный сар нерген фотографий ден документальный кадр-влак ончыкталтыт. Нуным ужын, пуйто шкежат сойыш логалат.

4 октябрьште Россия мучко икымше гана «Кугу этнографический диктант» эртаралтеш. Тушко 15 ияш деч кугурак ийготан кажне ег ушнен кертеш. Диктант кумда элыштына илыше калык-влак нерген шинчымашым терга. Марий Элыште диктантым возымо шым верым (площадкым) палемдыме.



Олым йымалысе паренге

8 майыште авам дене коктын паренгым кок тўрлын: пел йыраным олым йымалан, вес пелыжым рок йымалан — шындышна. Олым йымалысе паренге лу кечылан варарак лекте. Тиде мыйым ойгандарыш. Но эше лу кече гыч кок вережат кушкыл икгай кўкшытан лие. Рок йымак шындыме паренге шудышто колорад копшанге эр кояш тўнгале, погаш логале. Эше шўкшудым кўраш да паренгым ураш перныш. Олым йымаке шындыме йырангыште шўкшудо ыш шоч. Копшангат икыт-кокыт веле койо. Вўдым нигушкыжат ышна шаве.


Паренгым лукташ жап шуо. Моткоч тургыжланышым. Вет кенеж шокшо да кукшо лийын. О могай куан: олым йымалысе паренге рок йымалысе деч кок пачаш шуко лекте (снимкыште)!

Айвика ШАБДАРОВА, 9-ше класс.

Шернур, Марисола.

Биологийым туныктышына Валентина Демьяновна Бурда онай технологий дене палдарен. Мыят тиде йўным кучылтым.





Синк-вейн

Кова

Ушан, ныжылге.
Пукша, онча, чамана.
Пеш чот мемнам йӱрата!
Пиал!

Юлия МОЧАЛОВА.
Советский, Ӧрша.

1 октябрь – Илалше-влакын тӱнямбал кечышт

Коча-ковам йӱратена

Пошкудыштына
Альбина кувавам
ила. Тудо шымле ийым
покта. Упшат чалемын,
йолжат коршта – илы-
шыже неле лийын.

Ковам Мензеля район
Чупай ялыште шочын.
Калтак ялыш тунемаш
коштын. Шым класс деч
вара колхозышто ушка-
лым лӱштен. Шуко ий
презым, сӱснам, шорыкым
ончен. Эреак почётан
онаште лийын.

1967 ийыште Анатолий
кочам дене ешым чумыре-
ныт, но нылле ияш ул-
мыж годым марийже ко-
лен. Шкетынак ныл эргым,
ик удырым куштен.

Куваванам чот йӱратена.

«К у в а в а й»
м а н ы н
пелештымы-
жак пеш сай
вет...

**Станислав
АХТЯМОВ.**
Татарстан,
Муслюм,

Марий Пӱлер.



Ковам **Роза**
Владимировна Же-
ребцова (снимкыште
- шолаште) кумло
ий утла Сардаял
школышто руш
йылме ден литера-
турым туныктен.
Тудлан теней 70 ий
теме.

Школыш коштымж
годым моло дене
пырля телым ломы-
жым, тошто кагазым,
пӱгыльмым поген.
Кенежым кугыен-влак
дене тӱр шудым солен
удыренит, шупшык-
тенит. Шыжым йыты-
ным кӱрынит, кылтам
ыштен, суслашке шога-
лтылыныт. Школышко
кум менге коклаш ко-
штыныт. Тунам мотор
вургем лийын огыл.
Йолыш кирза кемым
чиеныт. Тупыш
вынер котомкам сака-
лтенит, тушко книга-
влакым, кечываллан
кочкышым пыштеныт.
Тунам школышто
пукшен огытыл. «Илыш
ончыко кая, чыла
вашталтеш», – ковам
кызытсе да ожнысо
пагытым танастара.

Даниил ИЛЬИН.

Марий Турек, Сардаял.



Теней Мария Петровна
ковам 84 ийым темыш.
Тудым пайрем дене саламлем,
пейгыде тазалыкым тыланем.
Ковай, тек умбакыжат кажне кечет
волгыдо лиеш да куаным конда!

Илыш корныжо пеш неле лийын.
Памаш ялысе школышто ныл ий тунемын,
вара 7-ше класс марте Кугу Пумарийыш
коштын. Экзаменым кучаш
каен кертын огыл, черланен.
Ешыште кандаш шочшо гыч
ковам ден изаже веле илен
кодыныт. Ачаже колымо
годым ковам ныл ияш
лийын. Кочкаш ситараш
манын, кӱтӱм кӱтенит.
Кугу сар тӱнгалмеке,
изажым фронтыш налыныт.
Индеш ияш ковам колхоз
пашаш каен, телым тунемаш
коштын. Кугурак лиймекше,
имне дене пасум тырмален.
Капкылым погымеке,
Элпанурыш марлан лектын.
Кочам дене индеш икшы-
вым ончен куштеныт.

Анна ФАДЕЕВА.

Параньга, Элпанур.

Йӱратыме
коваем, Ольга Андреевна
Андреева, Ярайсола ялыште
ила.

Тудо пеш поро да ныжыл кумылан.
Эреак «Знамя» ялозанлыкыште
пашам ыштен, кызыт – сулен
налме канышыште. Ковам
яра жапыште кӱнчылам шӱдыра,
носим, пижергым пидеш.
Кочай дене когылянышт
нимыяр йокрок огыл. Нуно
вич ияш Тимофей ден кум
ияш Эвелинам ончен куш-
тат. Коваем кажне эрдене
изи Тимофейым йочасадыш
ужата.

Регина ШИКАРЁВА.
Морко район.



Пайремет дене, пагалыме тунуктышем!



Тунуктышына – Маргарита Ивановна Ягодарова. Тудо мемнам икымше класс гыч вјда. Лудаш, возаш, шотлаш тунукта. Сай ден осалым ойырен мошташ, кугуракым жаплаш, неле-йосым чыташ тунуктен ойда. Урокушо-влак онгай улыт, ме пенгыде шинчымашым налына.

Максим КЕЛЬДЫБАЙ, 3-шо класс.
Оршанке, Тошто Крешын.



Тўнямбалне шуко профессий уло.

Но иктыже поснак ойыртемалтше. Тиде тунуктышо! Изирак класслаште тунемше-влаклан тудо кокымшо ава гай. Руш Кукмарий школышто нылымше ий тунуктышо Снежана Вячеславовна Белова (**снимкыште**) йоча-влаклан ава гаяк. Тений тудо 23 икшывым икымше гана парт коклашке шынден, тўналтыш шинчымашым пуа.

– Мый шкежат икымше гана первоклассник-влак дене пашам ыштем. Йоча шуко, изишак лўдыкшў, но нуным кузе тунуктышашым мый палем. Пашаштем кугу энертыш ача-ава-влак улыт. Тыгак коллеге-влак полшат, – палдара С.В.Белова.

«Снежана Вячеславовна – пенгыдын йодшо, но поро кумылан тунуктышо. Тудын пелен мыланна онгай да весела. Ме тунуктышынам йўратена, пайремже дене саламлена», – тыге ойлат йоча-влак.

Л.ГРИГОРЬЕВА.

Медведево район.

Синк-вейн

Тунуктышо

Поро, ушан.

Умылтара, ушым пайдара, модыкта.

Пиалан, кў йоча-влакым тунукта,

Айдеме.

Алёна ВАСИЛЬЕВА.

Морко, Эгерсола.

Мемнам Аида Михайловна тунукта. Кажне урокушто уш-акылнам у шинчымаш дене пайдара. **Тудлан кугу таум ойлена.**

Маша ДМИТРИЕВА.

Аида Михайловнан 1-ше классыште буква-возаш тунуктымыжым шарнем. Кызыт ме арун серен моштена. Лицейыштына тыршыше **учитель-влакым пайрем дене саламлена!**

Екатерина РАССАНОВА.

Мый школышко куанен коштам. Молан? Тунемаш. Кажне предметше онгай. **Шуко лудат, шуко пален налат.** Тунуктышынат тыгак ойда.

Элина АБРОСИМОВА.

Аида Михайловна урок-лаште мом гына окыштыкте: шотлена, предложенийым возена, лончылена, почеламутым лудына, англичанла мутланена, мурена, сўретлена, куржталына. Ужыда, мыяр пашам ыштена? **Кузе тунуктышынан вийже сита?**

Анна АЛЕКСАНДРОВА,

Ангелина ОГНЕВА,

2-шо класс.

Кў тунуктышо, тудо умыла: Могай куан лияш пайдале! Сай шинчымашым чылалан пуаш Да илыш корныш ужаташ ўшанлын.

Елена ФЛЕГЕНТОВА.

Морко, Коркатово.

Авам Эльвира Андреевна – тунуктышо. Тудо тўналтыш класслашке коштышо ўдыр-рвезе-влаклан шинчымашым пуа, койыш-шоктышыштым тапта. Авам пеш поро, пашаче, ушан да мотор. Мый тудым чот йўратем да пайремже дене шокшыш саламлем!


Алёна РЫБАКОВА.

Куженер, Конганур.



Лүмгече

Композитор, Марий АССР Кутыжаныш премий лауреат, Марий АССР искусствын сулло деятельже, Марий Эл Республикын калык артистше **Виталий Михайлович АЛЕКСЕЕВ** 1946 ий 14 сентябрьште Морко районсо Нуръялеш шочын. Ұмыржō мучко мурсем аланыште тырша. И.С.Палантай лүмеш музык училищыште, М.Шкетан лүмеш Марий национальный драме театрыште пашам ыштен. Моткоч шуко мурылан, спектакльлан семым возен. Йочалан возымо мурыжат ятыр.



Синк-вейн

Муро
Сылне, чечен.
Шымата, куандара, ырыкта.
Марий калыкын чон йолташыже,
Поянлыкна.
Анатолий АЛЕКСАНДРОВ.
Морко, Шүргыял.



Калык мут

* **Муро** –
калыкын
чонжо, сынже,
койышыжо,
кумылжо,
вийже.
* **Муро**
шудыран,
мўндыркō
чошешта.

Шырпе гыч сурет

Йоча-влак түрлō семын суретлаш йōратат. Икте карандашлан куана гын, весе фломастерым ойырен налеш. У Арбан йочасадын кугурак ийготан группыш коштшо Даша Репина ача-аважын полшымышт дене шырпе пырче-влак гыч суретым ыштен. Паша моткоч сōрал да чатка.



Йоча-влак, тыгай йōным кучылтын, теат суретым ыштен ончыза.


И.В.НИКИТИНА,
воспитатель.
Медведево район.

Тушто

Ик клатыште
коло ныл түрлō
агытан
мура.



Буратинолан семўзгар-влакым кычалаш полшо.



Тўмырзō

Ваня Горохов «Шонанпыл» йочасадыш коштеш. Воспитатель З.В.Фурзи-кован полшымыж дене тўмырым кыраш тунемын. Мōнгыштō тукым изаже Антон Петухов дене пырля репетицийым ыштат. Ваня йочасадысе пайремлаште семўзгарым шкетын пералта гын, ялысе клубышто изаж пелен лектеш.

Л.ГРИГОРЬЕВА.
Советский, Кельмаксола.

2020 ий:
Марий Эллан –
100 ий

поэт-влак ончыч ойлымашым, почеламутым возкалат, кидыштым лывыртат, мастарлыкым погат. Сылнымут пашалан сайынак тунем шумекке, кугурак жанран мурсаскам: повестьым, поэмым, романым – сераш шинчыт.

Марий литературлан негызым пыштыше мутмастар Сергей Григорьевич Чавайн мурпаша корныш икымше ошкылым «Ото» почеламут

дене ыштен. Вара шочыныт тўрлө ойыртемышан да кугытан шуко произведенийже. Коло ияш улмыж годым, 1908 ийын,

С.Чавайн «Марий калыкын тошто годсо илышыже» лўман икымше книгажым Озан олаште савыктен луктын.

Октябрь революций деч вара шке возымым печатлашат, посна книга дене савыкташат йөн чотак саемын. Чавайнат тиде йөн дене моштен пайдаланен. Тыге 1918-1930 ийлаште Озагыште, Йошкар-Олаште да Москошто тудын 17 книгаже илыш шулдырым налын.

1930-шо ийлаште марий литератур чотак ончыко тошкалын. М.Шкетан, Н.Игнатьев, Шабдар Осып, Николай ден Владимир Мухинмыт да молат у деч у мурсаскам шочыктеныт. Самырык вий кушкын.

1933 ийыште олыкмарла серыме икымше роман – М.Шкетанын «Эренерже» - савыкталтын. 1934 ийыште Сергей Чавайн «Корно» лўман романым сераш шонымыж нерген «У вий»

Кеч-могай кугу пашат изи гыч тўналеш. Тыгак лиеда литературыштат. Писатель (прозаик) ден

журнал гоч увертарен. Кум ужашан романыште, маннын, марий шемерын илышыжым тошто годсо гыч кызытсе жап марте сўретлен пуынем.

«Энерын-энерын вўдшө йогалеш...»



6 октябрьыште С.Г. ЧАВАЙНЫН шочмо кечыже.

С.Чавайнын «Элнет» романжым икымше гана савыктымылан – 80 ий

Возаш пижмек, писатель шке романжылан «Элнет» вуймутым пуэн. Тиде лўм утларак келшыше лийын, молан манаш гын чыла действий ты энгер кундемыште эрта. 1936 ий тўналтыште Сергей Григорьевич «Марийская правда» газетын лудшыжо-влаклан тыге увертарен: *«Кызыт мый кум ужашан «Элнет» романым возем. Тыште марий калыкын илышыже кузе ваштаат толмым ончыктынем. Икымше ужаш 1911-1914 ийлам авалта; кокымшышто революций, граждан сар пагытым да нэп саман тўналмым почын пуэм; кумшо ужашын содержания – нэп гыч тачысе кече марте».*

Тунам Москосо икмыняр издательстве марла книгаг луктеден. «Элнет» романын икымше ужашыжым мучашке шуктымек, писатель рукописьшым рўдолашке, Гослитиздатыш, колтен. Да тушто юватылын огытыл: книга 1936 ийыште лектын.

Редактор пашам критик-литературовед Прокопий Карпов-Пўнчерский шуктен. Тудо тунам Марий АССР писатель ушемым вуйлатен, иканаштак «У вий» журналын тўн редакторжо да Маргостеатрын директоржо лийын.

Лач тудо ийын элна мучко илыш пудыранаш тўналын. Титакдыме егвлакым поктылаш пижыныт. Тыге шукын тюрмаш логалыныт. Марий кундемыштат тиде шуко паша

шарлен толын. Чавайнын ятыр йолташыже казаматыш верештын. Туге гынат

писатель шке пашажым кудалтен огыл. 1937 ий 8 апрельыште «Элнетын» кокымшо книгажым мучашке шуктен да вашке Москош колтен. Тыгутлаште (лачшым гын 25 майыште) Сергей Григорьевичым арестоватлат, калык да власть ваштареш осал пашам ыштылынат манын титаклаш пижыт. Нимо укеланак 1937 ий 11 ноябрьыште лўен пуштыт. Тудо кечынак эше ятыр еным, ты шотыштак Шабдар Осыпым, Н.Мухиным, Олык Ипайым, вес тўняшке ужатат.

«Элнетын» рукописьше литератур архивыш логалеш. Тушто ала-кө ком ўмбалам «Роман на цыганском языке» манын возен шынден. Лач тиде жак романлан утлен кодаш полшен. «Марла серыме» манын палемдат гын, тулыш кудалтен сенат ыле – тудым «калык тушман» Чавайн возеныс!

Г.ЗАЙНИЕВ.
(Умбагыже – вес номерыште.)



МўКШИТЕ
Ой-кагаш лаштык

Мобильный телефондан, MP-3 плеердан, шагатдан циферблатышт йыгалт тоштеманыт. Мом ышташ? Поролоньш але губкыш пўй эрыктыме пастым изишак пыштыза да йыгалтме верым йыгыза. Вара салфетке дене ўштылза.

Аквариумым эрыктымыда годым вўдшым ида кышкыл. Тудо азот ден фосфорлан поян – окнасе пеледышыш шавыза.



Йошкарушменым шолтымьо годым тўсшым арален кодаш маньын, ик чывыштыш сакырложашым пыштыза.


Шырғыжса!
Весела кумылым пөлеклыза!

1963 ийыште ик американ страховой компаний сўретче Харви Беллым логотипым сўретлаш йодын. Тыге смайлик «шочын». Художниклан 50 долларым тўленит. А смайлик шырғыжше чурийже дене чыла вере кояш тўналын. 1999 ийыште Харви Белл Шырғыжмашын тўнямбал кечыжым палемдаш ойым пуэн. Теве тыге кумылым нөлтышө пайрем лектын.



Ўдыр-рвезе-влак, чўчкыдырак шырғыжса! Шымлызе-влакын ойлымышт почеш:

- ☺ воштылмо годым чурийысе 53 чогашил тарвана;
- ☺ шыде да шўлыкан спортсмен 72 ийым ила, а эре шырғыжше спортсмен – 80 ийым.
- ☺ пел шагат воштылмаш спортзалыште 10 минут тренировкым алмашта.



Джинсда тўсшым ынже йомдаре маньын, икымше гана мушмо деч ончыч чот шинчалан вўдыштө 12 шагат шинчыктыза.

Янда пудыргом пластилин але жвачке полшымо дене поген налаш лиеш.

Шоганым пўчкедыме деч вара кидда ынже ўпшө маньын, кидкопадам шинчал але ший совла ден йыгыза.



3 октябрь – Врачын тўнямбал кечыже

Шыже – понгым погымьо жап. Но шекланыман, нине правил-влакым огыда эскере гын, аярген (отравитлалтын) кертыда.

- ✓ Тыланда палыме понгым гына погыза.
- ✓ Шукшан понгым ида пого.
- ✓ Понгым 2-3 шагат гына шинчыкташ лиеш. Понган кочкыш 24 шагат аралалтшаш.
- ✓ Поген толмеке, вик шолтыман.

Сайын мушман, пел шагат (южо понгыжым ик шагатат пеле) шолтыман, вара веле жаритлыман але тушитлыман.



Ача-аваланда каласыза: мешакысе пареҥке коклаш тек олмам пыштат. Тыге пареҥке нерым вашке ок колто.

Аяргенда гын:
Укшичса! Шукырак яндар вўдым йўза! Врачым ўжыктыза!

Сўретысе поҥго-влакым палышда? Нуным кочкаш лиеш але уке?



Индекс: Марий Элыште - 78574, вес кундемлаште - 52713.
Тираж 1100 экз. Заказ 2467.
Формат – А-4-8.
Директор-тўн редактор Л.В.СЕМЕНОВА.
E-mail: yamde_lji@mari-el.ru, yamde_lji@mail.ru
Сайтын адресше: yamde-lji.ru, Тел. 45-25-49(факс); 45-22-82.

УЧРЕДИТЕЛЬ-ВЛАК:
Марий Эл Республикысе культур, печать да национальность паша шотышто министерстве, "Ямде лий" газет" кугужаныш унитарный казенный предприятий.

Газетым Массовый коммуникаций сферыште да культур наследиым аралымаште законодательством шуктен шогымым эскерше Федеральный службыв Приволжский федеральный округысо управленийыштыже регистрироватыме.
Номер – ПИ №ФС 18-1999, 2005 ий 10 февральыште пуымо.

Печатыш пуымо жап – 14-00, фактически – 13-00.
Ак – кутырен келшыме почеш.

Авторын да редакцийын шонымашыш тўрлө лийын кертыт. Серыш-влак мөнгеш огыт колталт.

0+

Газетым редакцийыште погымьо да верстатыме, «СТРИНГ» ИПФ ООО-што ямде оригинал-макет гыч савыктыме. Типографийын адресше: 424006, Йошкар-Ола, Строитель урем, 95.

Редакцийын да издательын адресше: 424006, Йошкар-Ола, СССР Вооружённый Вийын 70-ше идалыкше урем, 20.



Кузе шонеда?

Миклай тегим, шошым, кенежым, шыжым йората. Но тудлан утларак кенеж келша. Икана туддеч йодыныт:

- Идалык мучко кенеж лиеш гын, сай вет?



- Уке, - вашештен Миклай. - Эре кенеж лиеш гын, тудын сай улмыжым кушеч палена ыле?

А те кузе вашештеда, йоча-влак? **В.КУГОРНО.**

Шочын вочшо шоншо игын имыже ок шуркедыл.

Шарналтен

Ныл ияш Валерия Албахтина (снимкыште) кенеж канышым Марий Турек район Сизнур ялыште ылыше коваж дене эртарен. Коло вич комбым ончаш полшен: кажне кечын эрдене пырля пукшеныт, вара вуд дек поктен нангаеныт, а кастене поген налыныт. Изи ўдырым комбо-влакшат пален шуктеныт: чўнгенат, лўдыктенат огытыл. Кызыт Валерия Йошкар-Оласе 80-ше номеран йочасадыш воспитатель Надежда Владимировна Годунова деке куанен вашка.

Янлык-влак могай сокым йўйт?

4 октябрь – Янлык-влакым аралыме тўнямбал кече



Ты поделкым аважем аваж дене пырля Сашенька ВАСИЛЬЕВА ямдылен.

Ўдыр-каче улына, Пакча гыч толынна. Ваш пырля келшен илаш, Икте-весым аралаш!
1-ше номеран Морко йочасад.



Октябрьыште кече дене чеверласат, коьга деке лишкырак лийыт.



Квиллинг – тўрлў тўсан кагазым пўтырен, панном ыштымаш. Тудо Европышто кокла курымышто шочын. Тунам монах-влак тыге книгам, юмонам сўрастареныт. Бауман лицей пеленысе искусство школыштына ты кидпашалан ятыр ий йоча-влакым тунуктем. Тунемше-влакын пашашт республиканский конкурс-лаште шуко гана сеньше лийыныт.

И.Ю.НОВОСЁЛОВА.
Йошкар-Ола.

10 ойыртемным муза.

